

LEKGETHO LA BAPALAMI BA MOYENG

Ke eng?

Ka 2000 Letona la Ditjhelete le tsebisitse hore Lekgetho la Bapalami ba Moyeng (APT) le tla ba teng hodima bapalami ba lefang hodima sefofane se leshwang ho tswa boemafofaneng bo leng ka hara Rephablike ho leba sebakeng se seng se kantle ho Rephablike. Sena se boela se ama dikhampani tse adimisanang ka difofane. Ho fumana lesedi le fetang lena sheba Karolo ya 47 (B) ya Molao a Bolaodi ba Meedi wa Nomoro ya 91 ya 1964.

Le tobile mang?

Lekgetho lena ha le ame difofane tsa lehae. Le ama feela bapalami ba lefang ba tlohang ka sefofane sa matjhaba. Basebedisi (difofane), diakgente tse ngodisitsweng (tse sebetsang boemong ba basebedisi) kapa dikhampani tse adimisanang ka difofane di tla angwa ke tefo ya APT ho SARS kgwedi ka nngwe ka mora ho tsepamiswa ha dibuka tsa bapalami. Difofane tse sa palamiseng bapalami (dithoto) di tla hloka hore di ingodisetse APT empa di ke ke tsa angwa ke ditefo tsa APT.

Mokgwa wa ho ingodisa?

Basebedisi bohle (difofane), diakgente tse ngodisitsweng hantle mmoho le dikhampani tse adimisanang ka difofane di tlameha ho ingodisetsa lekgetho lena mme sena se ka etswa feela Ofising ya Bolaodi ba Meedi e mane boemafofaneng ba Matjhaba ba OR Tambo (ORTIA).

Mosebedisi e mong le e mong kapa khampani e adimisanang ka difofane e tlameha ho tlatsa [APT102](#) mme ebang mosebedisi a hloka ho kgetha akgente [APT101](#) le yona e tlameha ho tlatswa mme ho tlameha hore ho hokelwe ditokomane tse latelang:

- Khopi ya ditokomane tsa ngodiso ya khampani (e ntshitsweng ke Morejistara wa Dikhampani le Dikoporasi tse Kwetsweng);
- Khopi ya Setifikeiti sa Tshebetso (e ntshitsweng ke Bolaodi ba tsa Bofofisi ba Baahi Afrika Borwa);
- Bopaki ba dintlha tsa banka (lengolo le tswang bankeng le tiisang dintlha tsena kapa tjheke e khansetsweng); mmoho le
- Ditokomane/lesedi lefe kapa lefe le ka hlokwang ke Khomeshenara.

Hang ha tsena di se di fumanwe, di tla kenngwa mokgwatshebetsong wa APT mme ho tla ntshuwa khoutu ya APT e tla fuwa mosebedisi ya entseng kopo ya ngodiso.

E lokela ho leshwa neng, jwang?

Mosebedisi, akgente e ngodisitsweng hantle mmoho le khampani e adimisanang ka difofane e lokela ho lefa SARS, matsatsing a 21 ka mora mafelo a kgwedi eo bokaalo bo ileng ba bokellwa ka bona. Moo letsatsi la 21 e seng la "Letsatsi la kgwebo" tefo e jwalo e tlameha ho etswa ka la kapa pele ho "Letsatsi la kgwebo" la ho qetela pele ho la 21 ho qoba ditefo tse morao tse ka qetellang di bakile tswala mmoho le kgonahalo ya dikotlo.

Ebang o so ka o ingodisetsa SARS eFiling bakeng sa makgetho a mang ho tla hlokeha hore Mosebedisi, akgente e ngodisitsweng hantle mmoho le khampani e adimisanang ka difofane e ingodise mme e sebedise tshebeletso ya SARS eFiling ha ho etswa tefo. Mekgwa e meng ya tefo e kang ya ho banka ka inthanete kapa tefo lekaleng la banka e tjhaetsweng monwana e ka etswa feela mabakeng a ikgethang.

Dipotso tsa kakaretso tse mabapi le APT di ka lebiswa ho airtax@sars.gov.za kapa ho Fili James mane ORTIA ho 011-571 5011 kapa ho fjames@sars.gov.za.